



## Nutaak Tuhaktaghak



Kilamik Takoyaghanggoklogo

### **Nunaliit Ikayoktigiigahoaktut Iniktigiyoamplotik Nunavunmi Hilap Alanggokpalianinggagot Hapinggijohighaktik**

**IQALUIT, Nunavut (February 3, 2017)** - Nunavut Kavamait NTI-kollo Paanagiiklotik Kavamatokatkollo, miitiktitiyot oblani pinggahoni okaotikakhotik hilap alanggokpalianinggagot Nunavut Hapingginnigagot hilap alanggokpalianigagot. Miitiktot January 31-mit February 2-mot 2017-mi Iqalukni.

Katimapkaigamik inuit nunalaanit katimayaktoktot 70-goyonakhiyot Nunavutmiot. Eningnitokait, Enoohoktot, Anggonahoaktillo Katimayinggit, nunalingnitlo pihimayakaktok kanok nanminikakhotikoniit okakatigiyaoyaktokhotik , okaotikapakhotik Inuinnait kanoktot honggiotihimakmagaagita hilaptiknik taimanggagaalok oblomilo kanoktot hilakot aghoogotikakpalikhotik nunalingni, kanoktollo nunaliit hapigoikpalianighakot hivunighaptikni.

“Enigiikhimayaakaliktogot tamangmik nunaliit Nuavunmi opalonggaigiikhimalikoplogit hilap alanggokpalianinggagot honggiotivaliayaaginni,” Okaktuk Joe Savikataaq, Nunavunmi Minisitangyoyok Avatiliginikmot. “Hamna aghoogotigiyaakalliktakot nunalaat nipikakoplogit kanogiliogotiginahoaktaptigot kanoktot inggataktailinahoaklogo honggiotivalianahoagotigiyaaghaptigollo opalonggaiyaivalianighaptikni kavamat ehoaktonik enigiyyainahoagotigiyaaghainnik havaagiyaitigot haffoma mighaagot. Hamna taotokloakniaktaaga Nunavunmiut ekayoktogahoaklogit hivomokpaliajotiginahoaklogolo pinahoagotigiyaaghaptigot haffomoona hivonighaptiknot pilota”.

“Ona ayoghaotaonggitori okaotaovot hivomokpaaliojotiginahoakhogo nunaliit tamaita ehomagahkiotigivalianialikmajok honggiotivaliajotigilogo enigiyyainahoagotigiyaaghaptiknot hapigoigotigilogolo. Hamna aghoogotiginiaktakot nunaliit Nunavunmi ekayoktokhimmaagahoaklogit havaagiyaghaitigot hilap alanggokpalianinggagot honggiotijotighanik ehoaghainahoaktilllogit. Elaohimmaaktillota ehoaghaotighanik kinikhiajotigiyaaptigot nunaliit honngiotivalianiaktot hilap alanggokpalianinggagot nigiojiniagaptigik nakoatot havaakakniakmata haffoma mighaagot.hivonighaptiknotlo. takoyomavogot ekayoktigiiklota havaagiyaghaptigot eniktigivaliayaaptikni hivonighakot taotoklogo”, okaktuk James Eetoolook, NIT-kot Anggayokaagata Tuklia.

Katimakaktokatigiiktut onipkaaklokaaktut kanoktot nunaliit havakatigiigoknakmagaamik haffomoona kavamatlo katojikatigiitlo ekayoktigiiklotik havakatigiigiamingni ehoaghaotaonahoaktoghanik kiniklotik havaakagiginigook hivomokpaliajotigiyaaghaptiknik. Miitiktut tohagomayot katimayaktokhimayonit kanoklikaa naonaigotighanik nunalikni pilgaaktaghanik naonaiyaayaaginni, ehomagiyayoyoniklo tohagahoakpaklogik nunalingnit kanoktot honggiotivaliajotighanik katighiyomplotik okaktuk. Naonaigotighat omangga miitiotaoyomit havagiyaoyoghatigot ekayoghiotiniakmata Kavamatokatkonnot ehoaghainahoagotigiyaaghainotlo Nunavunmi honggiotijotaonahoaktoghanik maningniklo Nunavunmiot atoktaghainik pijotaoniakmikmat. Nunavut Kavamaita Hilap alanggokpalianighaagot Havaktigiyaait NTI-kollo haffomoona Havaktigiyaaita okaotaoyot

atokniaktait kanogiliogotiginahoakttaghamikot hivoliotilogit havaagoligiaginni okioni kaivaliayoni piyaonahoaligiaginni kanok ehoaghaotaonaoaktoghat eniktiktaoyaaaginni Tohagotighat miitotaoyonit takoyaghanggoktaoniaktut kakogonnoak.

Onipkaakhakagovit ehomagiyakagovillo hilap alanggokpalianinggagot honggiotijotighanik, ona kagitaoyakot takoinnagialik [www.climatechangenunavut.ca](http://www.climatechangenunavut.ca) ovaloniit kagitaoyatigot titigakvigilogo [climatechange@gov.nu.ca](mailto:climatechange@gov.nu.ca).

###

**Naonaikpaaligomagovit ona tohakvigiinagialik:**

Zoë Martos  
Atanggoyak, Hilap Alanggokpalianinggagot  
Tohagaghalikiyini  
Nunavut Kavamaini  
867-975-7755  
[zmartos@gov.nu.ca](mailto:zmartos@gov.nu.ca)

Kerry McCluskey  
Ataniat Tohagahaklikiyit  
Nunavut Tunngavik Timinngat  
867-975-4914 or 1-888-646-0006  
[kmcluskey@tunngavik.com](mailto:kmcluskey@tunngavik.com)